

Ilaria Fioravanti e Maria Giulia Scolaro, *Rosa, rosae* – Declinare la rosa in cucina, Sagep, Genova 2016, pagg. 128

No se sciate chi no digeriva o latin a scheua: chi gh'è solo de riçette, tante, dôsci e coscì invitanti (anche pe-e fotografie a colori che ne mostran o rizultato) che pâ finn-a de sentì o profumo e vegniéiva coæ de asazâ subito tutto. E reuze adêuvia son quelle tradiçionali da sciöpo coltiva inta valadda da Scréivia, *Rosa centifolia muscosa* e *Rosa rugosa*, ingrediente prinçipale pe fâ confitûe, *fondant*, gelatinn-e, bescheutti, cremme, torte, licori, bibite, aperitivi... Ma chi no à coæ de travagiâ peu trovâ tutto fæto da unn-a de atrici, specialmente in òcaxon da Fèsta de Reuze ch'a se tegne da quatorz'anni a Buzalla a-i primmi de zugno.



Guido Pallotti, *Sensa pei in sciâ lengoa. Dizionario degli insulti classici e moderni. Testo in genovese e traduzione in italiano*, Ligurpress, Genova 2016, pagg. 272

Chi sentisse o bezeugno d'arichî o seu vocabolaio de parolasse, questo libro o l'è quello che ghe veu: pe-a precixon ghe n'è 750, in ordine alfabetico comme in ògni vocabolaio che se rispette, co-e fraze e o contèsto dove ricoran ciù de sovente, e 'n sa e 'n la quarche anédoto in sce l'argomento. E pagine dispari en tutte in zeneize, quelle pari ripòrtan a fronte a traduçion fedele in italian. I vocabolai stòrichi zeneixi de parolasse ne ripòrtan pöch'e ninte, perciò ghe voeiva quarchedun che e "sarvesse" da-o pericolo de pèrdile, comm'o dixè inte l'elegante e dòtta premissa o profesô Bampi.

A prefaçion l'à fæta o meistro Morini di *Buio Pesto*, a pofaçion Ettore de Katt.



Pasquale Aurelio Pastorino, *Si fece la pace fra que' di Campo e di Masone. Spunti per una storia della Valle Stura tra il XII e il XVI secolo*, Redazione, Genova 2009, pagg. 244

Pasquale Aurelio Pastorino, *Va là che vai bene. L'emigrazione da Masone e dalla Valle Stura verso l'America tra Ottocento e Novecento*, Redazione, Genova 2010, pagg. 208

L'aotò o l'è de Mazon e o n'è stæto scindico ascì; apascionòu da stòia locale, o l'è fæto de riçerche ben ben aprofondie, comme se vedde prezenpio inte questi doî libbri. O primmo o parla da stòia da valle Stura da-o Milleçento, quande s'è formòu i pàixi de Roscigion, Campo e Mazon, e de 'na bæga pe-i confin de quest'urtimo pàize anæta avanti pe de longo: l'è riportòu finn-a e parolle di documenti, e pâ pròpio d'èsighe!

O secondo o parla invece d'emigraçion: tanta gente, tra Eutto e Neuveçento, a l'è partia da quella valadda pe anà inte "Mèriche" e inte queste pagine, dòppo a primma parte co-a stòia e i perché e percomme de l'emigraçion, gh'è e biografie pe famigge (con tante fotografie) e l'anagrafe di mazoneixi ch'àn visciuo quella grande aventua.



Raccomandiamo ai nostri collaboratori di inviare alla Redazione del Bollettino testi preferibilmente scritti a computer (carattere Times new Roman corpo 10, salvato in Word.doc) corredati da materiale informativo-illustrativo (foto ecc.) attinente l'argomento trattato.

Si ricorda che il materiale inviato **non si restituisce** e che la Redazione - in accordo con l'Autore - si riserva di esaminare ed uniformare ed eventualmente correggere o tagliare (*senza, ovviamente, alterarne il contenuto*) i testi inviati e di deciderne o meno la pubblicazione. Chi possiede un indirizzo di posta elettronica è pregato di darne comunicazione a:

posta@acompana.org

Grazie